



Les Rois II - Mélakhim

Chapitre 3

א ויהוכם בן-אחאב, מלך על-ישראל בשמרון, בשנת שמונה
עשרה, ליהושפט מלך יהודה; וימלך, שתיים-עשרה שנה. ב
ויעשה הרע, בעיני יהוה--רק, לא כאביו וכאמו; ויסר
את-מצבת הבעל, אשר עשה אביו. ג רק בחטאות ירבעם
בן-נבט, אשר-החטיא את-ישראל--דבק: לא-סר, ממנה. {פ}
ד ומישע מלך-מואב, היה נקד; והשיב למלך-ישראל מאה-אלף
כרים, ומאה אלף אילים צמר. ה ויהי, כמות אחאב;
ויפשע מלך-מואב, במלך ישראל. ו ויצא המלך יהורם, ביום
ההוא--משמרון; ויפקד, את-כל-ישראל. ז וילך וישלח
אל-יהושפט מלך-יהודה לאמר, מלך מואב פשע
בי--התלך אתי אל-מואב, למלחמה; ויאמר אעלה, כמוני כמוך
כעמי כעמך כסוסי כסוסיך. ח ויאמר, אי-זה הדרך בעלה;
ויאמר, דרך מדבר אדום. ט וילך מלך ישראל ומלך-יהודה,
ומלך אדום, ויסבו, דרך שבעת-ימים; ולא-היה מים למחנה
ולבהמה, אשר ברגליהם. י ויאמר, מלך ישראל: אהה--כי-קרא
יהוה לשלשת המלכים האלה, לתת אותם ביד-מואב. {ס} יא
ויאמר יהושפט, האין פה נביא ליהוה, ונדרשה את-יהוה, מאותו;
ויען אחד מעבדי מלך-ישראל, ויאמר, פה אלישע בן-שפט,
אשר-יצק מים על-ידי אליהו. יב ויאמר, יהושפט, יש
אותו, דבר-יהוה; וירדו אליו, מלך ישראל ויהושפט--ומלך
אדום. יג ויאמר אלישע אל-מלך ישראל, מה-לי ולך--לך
אל-נביאי אביך, ואל-נביאי אמך; ויאמר לו, מלך ישראל,
אל כי-קרא יהוה לשלשת המלכים האלה, לתת אותם
ביד-מואב. יד ויאמר אלישע, חי-יהוה צבאות אשר עמדתי



Questions au Rav Dayan (tome 5)

Ces questions, vous vous les êtes posées un jour, ou vous vous les poserez dans l'avenir...

Commandez : Tel. (Fr) : +33.1.80.91.62.91 - (Isr) : +972.77.466.03.32 - www.torah-box.com/editions



לפניו, כי לולי פני יהושפט מלך-יהודה, אני
נשא--אם-אביט אליך, ואם-אראך. טו ועתה, קחו-לי מנגן; והיה
כנגן המנגן, ותהי עליו-יד-יהוה. טז ויאמר, כה אמר
יהוה: עשה הנחל הזה, גבים גבים. יז כי-כה אמר יהוה,
לא-תראו רוח ולא-תראו גשם, והנחל ההוא,
ימלא מים; ושתייתם אתם ומקניכם, ובהמתכם. יח ונקל זאת,
בעיני יהוה; ונתן את-מואב, בידכם. יט והכיתם כל-עיר מבצר,
וכל-עיר מבחור, וכל-עץ טוב תפילו, וכל-מעיני-מים תסתמו; וכל
החלקה הטובה, תכאבו באבנים. כ ויהי בבקר כעלות המנחה,
והנה-מים באים מדרך אדום; ותמלא הארץ, את-המים. כא
וכל-מואב, שמעו, כי-עלו המלכים, להלחם בם; ויצעקו, מכל
חגר חגרה ומעלה, ויעמדו, על-הגבול. כב וישכימו בבקר,
והשמש זרחה על-המים; ויראו מואב מנגד את-המים, אדמים
כדם. כג ויאמרו, דם זה, החרב נחרבו המלכים, ויפו איש
את-רעהו; ועתה לשלל, מואב. כד ויבאו, אל-מחנה ישראל,
ויקמו ישראל ויפו את-מואב, וינסו מפניהם; ויבו- (ויפו-) בה,
והכות את-מואב. כה והערים יחרסו וכל-חלקה טובה ישלחו
איש-אבנו ומלאוה, וכל-מעין-מים יסתמו וכל-עץ-טוב יפילו,
עד-השאיר אבניה בקיר, חרשת; ויסבו הקלעים, ויפוה. כו וירא
מלך מואב, כי-חזק ממנו המלחמה; ויקח אותו שבע-מאות איש
שלף חרב, להבקיע אל-מלך אדום--ולא יכלו. כז ויקח את-בנו
הבכור אשר-ימלך תחתיו, ויעלהו עלה על-החמה, ויהי
קצר-גדול, על-ישראל; ויסעו, מעליו, וישבו, לארץ. {פ}



Questions au Rav Dayan (tome 5)

Ces questions, vous vous les êtes posées un jour, ou vous vous les poserez dans l'avenir...

Commandez : Tel. (Fr) : +33.1.80.91.62.91 - (Isr) : +972.77.466.03.32 - www.torah-box.com/editions